



服部文庫
417
2099
13



東澤八絕

東澤不知處，緣溪仄徑分。前峰忽一轉，時有鷄狗聞。
 日夕起人烟，三戶白雲邊。神仙此可接，處處有丹泉。
 山中徂暑時，高枕天籟起。深林遮白日，空翠冷於水。
 樓上青山起，樓下溫泉送。浴罷對青山，悠然心不競。
 夜雨何處來，蕭々滿四壁。起看山月高，始識溪聲激。
 隣舍僧寓居，碁局好相戲。來往歡十日，未敢通姓字。
 東峰千仞秀，上有梵王闍。我欲振衣去，秋風生萬壑。
 朝辭玉笥山，昨遊已回首。歸興心彷彿，唯疑出洞口。

落花歎

閣

落花君不見，片片空山裡。自從辭故條，飄零偏相似。

大堤曲二首

美人春夢短，画閣夕陽低。歡去知何處，花飛落大堤。
堤上楊柳烟，堤下桃花水。少婦倚樓坐，春色映羅綺。

宮中立秋

梧桐玉階下，一夜西風吹。上苑秋何處，美人心自知。

過酒家

少婦琴瑟傍，且愛十千酒。金鞍白鼻駒，堪繫壚上柳。

寒鴈

孤鴈寒江曲，哀鳴徹永夜。思群飛不定，復逐風雪下。

山中四時詞

四壁薜蘿長，春衣裁且著。山花人不知，隨意紛紛落。

右春

鳴琴丘壑中，餘響入流水。更望夏雲生，奇峰各自起。

右夏

童子拾山菓，隔溪行且歌。深林搖落盡，夜々月明多。

右秋

遇雪前峰歸，々來日將暝。吾廬誰復尋，早已没金徑。

右冬

金井侯聽潮，館後園七題

竹裡不知處，清陰路轉，迷簫聲隔綠葉中。右鳳凰棲

右鳳棲館

亭上人對酒，亭下魚在藻，竟日兩相忘。此樂真難道

右觀魚亭

秋浦一蕭索，楓葉下水濱。借問行吟者，應是我輩人。

右楓浦

二月春風時，青青楊柳樹。夕陽塘上落，不見行人度。

右柳塘

神山隔水起，咫尺望蓬瀛。我欲褰裳去，彩雲時自生。

右小蓬萊

昨夜風濤惡，今宵一何穩。灣中光可掬，東溟月不遠。

右海月灣

漭沆深淵，色唯見千尋。水雷雨時一過，忽爾波瀾起。

右龍淵

曉鶯

纔上花枝，轉花枝露未晞。將驚美人夢，更向画樓飛。

新娘娘

風先夫婿起，歛髮暗含羞。未慣新婦事，都就阿姆謀。

山驛曉發

旅食鷄聲促，前峰入客程。回看昨宿處，咫尺白雲生。

藻

舊宮人

宮衣時或著宮粧猶自作每逢舊女伴只說宮中樂

雨中春

靜

細雨春光靜園亭晝掩扉殘花不駐色坐覺賞心違

夏夜宿僧院

夜投禪寂地竹裡一燈深暗水鳴空閣清涼只此心

獨釣寒江雪

曲浦凍雲低渺漫漁艇小寒光洲渚遍難認忘機鳥

孤鴛鴦

踟躕含別怨尚守前池水憶昨夕陽中雙々相顧起

